

Broj: 03-04-805-4/2026
Sarajevo, 31.07.2026. godine

Primljeno:			
Org. jed.	Broj	Priloga	Vrijednost
05/11	- 02 -	351	126

PARLAMENT FEDERACIJE BOSNE I HERCEGOVINE

Predstavnički dom

gosp. Dennis Gratz, poslanik
gosp. Ivan Miličević, sekretar ✓

Predmet: Odgovor na poslaničko pitanje

Poštovani,

U skladu sa odredbama člana 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u vezi sa članom 116. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", br. 69/07, 2/08, 26/20 i 13/24), u prilogu Vam dostavljam Informaciju Federalne uprave za inspekcijske poslove, broj: 01-04-13-04126/2026-2 od 22.07.2026. godine, dostavljenu aktom Federalnog ministarstva okoliša i turizma, broj: 05-19-533/26 od 29.07.2026. godine, koja se odnosi na poslaničko pitanje, koje je postavio poslanik Dennis Gratz.

S poštovanjem,



SEKRETAR VLADE

dr. sci. Edita Kalajdžić

Prilog: kao u tekstu

Bosna i Hercegovina
Federacija Bosne i Hercegovine
FEDERALNO MINISTARSTVO
OKOLIŠA I TURIZMA

Broj: 05-19-533/26
Sarajevo, 29.07.2026. godine

Bosna i Hercegovina
Federacija Bosne i Hercegovine
Vlada Federacije Bosne i Hercegovine
n/p Edita Kalajdžić, tajnik/sekretar Vlade Federacije BiH

Bosnia and Herzegovina
Federation of Bosnia and Herzegovina
FBiH MINISTRY OF
ENVIRONMENT AND TOURISM
BOSNA I HERCEGOVINA
FEDERACIJA BOSNE I HERCEGOVINE
V L A D A
Sarajevo

PRIMLJENO: 30.07.2026			
Organizaciona jedinica	Klasifikaciona oznaka	Radni broj	Broj priloga
03-04-805-4			4/2026

PREDMET: Dostava informacija – odgovor na zastupničko pitanje, dostavlja se
Veza: Vaš akt broj: 03-04-805-4/2026 od 30.06.2026. godine

Poštovani,

Postupajući po obavezi iz prethodnog dopisa, a u vezi s Vašim ranijim zastupničkim pitanjem, u prilogu ovog akta dostavljamo Vam Informaciju broj: 01-04-13-04126/2026-2 od 22.07.2026., sačinjenu od strane Federalne uprave za inspekcijske poslove.

Prilog:

– Informacija, broj: 01-04-13-04126/2026/2 od 22.07.2026.

S poštovanjem,



Dostaviti:

- Naslovu,
- a/a

Broj: 01-04-13-04126/2026-2
Datum, 22.07.2026. godine

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO
OKOLIŠA I TURIZMA
Hamdije Čemerlića broj 2
71000 SARAJEVO

1326
Bosna i Hercegovina
Federacija Bosne i Hercegovine
FEDERALNO MINISTARSTVO OKOLIŠA I TURIZMA

Primijeno: 24-07-2026		
Org. Jed.	Broj	Priloga
05-	19-336/	26

PREDMET: Informacija, dostavlja se, -
Veza Vaš akt broj: 05-19-336/26 od 13.07.2026. godine

Poštovani,

Federalna uprava za inspekcijske poslove zaprimila je dana 14.07.2026. godine Vaš akt, broj i datum veze, kojim tražite informaciju vezano za zastupnička pitanja koja je postavio Dennis Gratz, zastupnik u Zastupničkom domu Parlamenta Federacije BiH, koja se odnose na vršenje inspekcijskih nadzora nad radom operatera DPMetals BH d.o.o. Vareš.

S tim u vezi, informišemo Vas da su inspekcijske nadzore nad operaterom DPMetals BH Vareš d.o.o, vršili federalni inspektori zaštite okoliša, federalni rudarski i federalni vodni inspektori pri Federalnoj upravi za inspekcijske poslove.

Inspekcijskim nadzorima vršenim od strane federalnog inspektora zaštite okoliša provedena je kontrola mjera propisanih okolinskom dozvolom, kojom prilikom je konstatovano da se operator pridržava svih naloženih tehničko-tehnoloških mjera zaštite u cilju smanjenja negativnih uticaja na okoliš, i to:

- prekrivanje mehanizacije prilikom kretanja;
- prskanje i vlaženje saobraćajnica;
- skladište rude je u potpunosti zatvoreno;
- sistem transporta rude od skladišta do pogona prerade je potpuno zatvoren tako da nema emisija u zrak i dr.

Uvidom u izvještaje o mjerenju parametara kvalitete zraka, utvrđeno je da se lokaliteti sa utvrđenim prekoračenjima nalaze značajno izvan eksploatacionog polja i nisu pod direktnim uticajem operatora.

Uvidom u dokumentaciju kao i neposrednim obilaskom pogona i postrojenja rudnika, utvrđeno je da je tačka na kojoj postoji mogućnost direktne emisije prašine na pogonu za drobljenje rude (pogon prerade i skladište rude su zatvoreni objekti sa instaliranim recirkulativnim sistemom za otprašivanje). Operator je na pogonu drobilice instalirao sistem za otprašivanje – prskalice. Uzimajući u obzir veliku udaljenost pogona drobilice od stambenih objekata, kao i težinu prašine koja sadrži teške metale zbog čega se ovakva prašina teže prenosi vjetrom, operatoru je naloženo vanredno kontrolno mjerenje emisije prašine pri punom tehnološkom kapacitetu

drobilice i pri radu prskalica, kako bi se utvrdila efikasnost sistema za otprašivanje i mogućnost širenja prašine do stambenih objekata ovim putem. Takođe, naloženo je obavezno pokretanje prskalica pri svakom pokretanju drobilice.

U skladu sa Zakonom o inspekcijama Federacije BiH („Službene novine Federacije BiH“, broj: 73/14 i 19/17), operator je izvijestio inspektora o izvršenju naloženih upravnih mjera. Prema vanrednom kontrolnom mjerenju kvaliteta zraka na lokalitetu Vareš, broj protokola 3-156/26 od 27.03.2026. godine, SISTEM QUALITA,S d.o.o, nijedna izmjerena vrijednost gasovitih polutanata u ambijentalnom zraku nije prekoračila graničnu i tolerantnu vrijednost; rezultati za PM čestice zadovoljavaju granične i tolerantne vrijednosti, a utvrđene vrijednosti za ukupne taložive materije zadovoljavaju zahtjeve normativa. Mjerenja su vršenja pri radu drobilice, punom tehnološkom kapacitetu i radu sistema za otprašivanje.

U vezi sa povećanom vrijednosti teških metala u tlu, ističemo da se u ovom trenutku, uzimajući u obzir činjenicu da su povećane vrijednosti metala u tlu evidentirane prije početka eksploatacije rudnika, kao i tokom eksploatacije, ne može konstatovati uzročno-posljedična veza između eksploatacije rudnika i povećanog sadržaja metala u tlu.

Činjenica da analize tla rađene prije početka eksploatacije također pokazuju povećan sadržaj teških metala u tlu upućuje na prirodno opterećenje tla metalima, što je konstatovano u Studiji uticaja na okoliš za projekat obnove pogona eksploatacije i prerade rude olova, cinka i barita na lokaciji Veovača I - Tisovci i Veovača II od 30.9.2019, ENOVA d.o.o. Sarajevo rađena je analiza tla na lokalitetu Tisovci 2019. godine odnosno prije početka faze izgradnje i eksploatacije: „Olovo, koje je porijekom iz industrijskih pogona u tlu se nalazi u mineralnim oblicima PbO, PbS, PbSO₄. U gornjim dijelovima tla vrijednosti Pb mogu dostizati i do 3.000 mg/kg. Uzorak sa brane jezera (T2) ima koncentraciju Pb od 3.419 mg/kg. Ustanovljene povišene vrijednosti olova i nikla su veće i od uzorka izvan zone utjecaja, što je dakle definitivno posljedica aktivnosti starog pogona za preradu rude. Prisutnost teških metala u tlu posljedica su prirodnih i antropogenih utjecaja. Prirodnim procesima u tlu dolazi do migracije teških metala, a sama lokacija istražno-eksploatacionog područja i njena blizina rudniku je, pretpostavljamo, iz tog razloga bogata teškim metalima.“

Također, granične vrijednosti parametara u tlu zavise od vrste i namjene tla, što je izvan nadležnosti inspektora zaštite okoliša.

U periodu mjerenja od 15.09.-22.09.2025. godine evidentirano je prekoračenje PM_{2,5}=33,24 µg/m³ na lokalitetu S. Ponikva, što je izvan eksploatacionog polja.

U periodu mjerenja od 07.12.-14.12.2025. godine navedeno je da utvrđene vrijednosti PM_{2,5} i PM₁₀ za normirani period 24h zadovoljavaju granične i tolerantne vrijednosti. Nije utvrđeno prekoračenje vrijednosti za UTM. Sadržaj olova u UTM u rasponu od 0,0008 do 0,023 mg/m²dan što je ispod graničnih vrijednosti na svim mjernim mjestima.

Inspeksijski nadzor je vršen po zahtjevu Federalnog ministarstva okoliša i turizma, a na osnovu informacija o povećanim vrijednostima olova u krvi.

Inspektor je u zapisniku, između ostalog, konstatovao predočene izvještaje o ispitivanju kvaliteta tla te evidentirao utvrđena prekoračenja. Za potrebe poređenja kvaliteta tla prije i tokom eksploatacije rudnika i odlagališta jalovine, poređeni su rezultati konstatovani u izvještaju iz 2020. godine i dva izvještaja iz 2025. godine. Međutim, važno je napomenuti da u izvještaju iz 2020. godini nije određivana vrsta tla niti je dato poređenje rezultata sa graničnim vrijednostima. Također, uzorci tla nisu uzimani na podudarnim koordinatama za analize tla u 2020. godini i u 2025. godine, zbog čega nije moguće napraviti precizno poređenje stanja prije i poslije početka eksploatacije.

Uzimajući u obzir navedeno, povećane koncentracije teških metala u tlu konstatovane su i u analizi iz 2020. godine i u analizama iz 2025. godine, dakle i prije i tokom eksploatacije rudnika.

U zapisnicima o inspekcijskom nadzoru iz perioda 2020. do juna 2025. godine, kontrolisani su izvještaji o kvalitetu zraka te je konstatovano da su mjerna mjesta sa utvrđenim prekoračenjima značajno izvan eksploatacionog polja. Budući da ta mjerna mjesta nisu obuhvaćena okolinskom dozvolom (jer su izvan eksploatacionog polja) postupajući inspektor nije imao pravno utemeljen osnov za nalažanje upravnih mjera.

Također, napominjemo da je uvidom u dokumentaciju utvrđeno da laboratorija kod koje su rađene analize krvi stanovništva i laboratorija kod koje se rade redovne analize krvi radnika DPM Metals primjenjuju različite mjerne jedinice i referentne vrijednosti za olovo u krvi, zbog čega je Federalna uprava za inspekcijske poslove od Federalnog ministarstva zdravstva zatražila važeću mjernu jedinicu i referentnu vrijednost za olovo u krvi primjenjivu u FBiH, u cilju donošenja efikasnih mjera zaštite stanovništva i radnika, a čiji odgovor do danas nije zaprimila.


Obzirom da je predmet o kojem je riječ po svojoj prirodi složen, te isti zahtijeva multidisciplinarni pristup i međuinstitucionalnu saradnju radi pravilnog i konačnog utvrđivanja uzroka povećanih koncentracija olova u krvi kod stanovništva Vareša, Vlada Federacije BiH je usvojila zaključak o formiranju multidisciplinarnog ekspertnog tima za pitanja okoliša i mogućih uticaja na zdravlje stanovništva na području Općine Vareš.

Federalni inspektori Federalne uprave za inspekcijske poslove ostaju dosljedni u postupanju u skladu s načelima inspekcijskog nadzora te će nalažati pravovremene i efikasne mjere iz svoje nadležnosti, a u cilju zaštite zdravlja građana, kao i očuvanja prirodnih i privrednih dobara Federacije.


S poštovanjem,

AKT SAČINILA:

Glavna federalna urbanističko-
ekološka inspektorica



Sanela Imamović



DIREKTORICA


Ivana Prvulović

Dostavljeno:

1. Naslov
2. Evidencija,
3. Arhiva.